

« bonorum dicti monasterii, seu maioris partis eorum, fuerit pacificam assecutus, « illum gestet habitum qui in prefato monasterio geritur et habetur, seu gerebatur et habebatur, eius institutis regularibus se conformando. Datum Rome apud « Sanctum Petrum anno incarnationis dominice millesimo quadringentesimo quadragesimo tertio, pridie Idus Martii, pontificatus nostri anno quartodecimo ». Post quarum quidem litterarum apostolicarum presentationem et receptionem, fuimus per dictum fratrem Iohannem cum instantia debita requisiti, ut ad executionem earumdem litterarum apostolicarum et contentorum in eisdem procedere curaremus, iuxta traditam seu directam per eas a Sede Apostolica predicta formam. Nos igitur Blasius, archidiaconus Nonensis, commissarius et executor prefatus, volentes mandatum apostolicum huiusmodi, nobis in hac parte directum, reverenter exequi, ut tenemur, et quia de meritis et idoneitate prefati fratris Iohannis diligenter informavimus, et quia per huiusmodi diligentem informationem ipsum utilem et idoneum ad regimen et administrationem ipsius monasterii fore comperimus, vocatis prius dicto reverendissimo domino Laurentio archiepiscopo ladrensi, et aliis qui fuerunt evocandi, ac omnia et singula superius in prefatis litteris apostolicis contenta affirmantibus et in infrascriptis consentientibus, idcirco auctoritate apostolica, qua fungimur in hac parte, de persona ipsius fratris Iohannis eidem monasterio, sive ut primum, sive alias quovismodo, aut ex alterius cuiuscumque persona vacet, ipsiusque provisio ex quavis causa ad Sedem Apostolicam specialiter vel generaliter pertineat, dummodo tempore datarum presentium eidem monasterio de abbate provisum canonice non existat, providimus ac tenore presentium providemus, ac in presentia cleri populique Paghensis, personaliter existentis ante portam ecclesie et monasterii Sancti Petri prenominati, ipsi fratri Iohanni claves dicte ecclesie et monasterii consignavimus, introducetes ipsum in dictam ecclesiam et monasterium, ponentes etiam ipsum super stallum suum tamquam verum abbatem dicte ecclesie et monasterii, decantantibus hymnis et campanis pulsanibus, ipsumque illi in abbatem prefecimus et preficimus, curam, regimen et administrationem ipsius monasterii sibi in spiritualibus et temporalibus plenarie committendo. Et nihilominus eidem patri Iohanni, postquam de persona sua dicto monasterio provideramus, ut a quacunque maleret catholico antistite, gratiam et collationem Sedis Apostolice habente, munus benedictionis suscipere valeret, ac dicto antistiti ut munus ipsum dicto fratri Iohanni impendere posset licentiam et facultatem auctoritate apostolica predicta concessimus et tenore presentium concedimus. Que omnia et singula supradicta ac predictas litteras apostolicas et hunc nostrum processum, omniaque et singula in eis contenta, vobis omnibus et singulis supradictis intimamus, insinuamus et notificamus, ac ad vestram et cuiuslibet vestrum notitiam deducimus et deduci volumus per presentes. Vosque, dominum archiepiscopum pro tempore existentem, ac alios quorum interest vel intererit, communiter vel divisim, eadem